

Powšitkowne WOZJEWJENJA

njedźelu, 4. januara 2014

Hodowny koncert w Chróścicach

Tradicionelny hodowny koncert Chróścanskeho cyrkwinskeho chóra z instrumentalistami a solistami wotměje so njedźelu, 4. januara, w 14 hodź. w tamnišej wosadneje cyrkwi. Zaklinči mjez druhim „Missa pastoralis“ wot Ignaza Reimanna. Wšitcy su wutrobnje přeprošeni.

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 10. januara, w 14.00 hodź. w Chróścanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny kaž tež mustwa sportowych jednotkow. Kóžde mustwo měło z wosom hrajerjemi nastupić. Hrać budže so z třomi koparjami a jednym wrotarjom. Přizjewić měli so mustwa hač do srjedy, 7. januara, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

TCM – „Łužica pomha“ prosy wo dary za Krupku

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ wobnowjenje kapalki ze studničku swjateje Marije w Krupce podpěrać. Na tute putniske městno putnikuja młodži a starši katolscy Serbja kóžde lěto pěši, z kołom, awtom abo busom. TCM prosy wěriwych wo šćedriwe dary na konto Cyrill-Methodius-Verein, IBAN: DE65 7509 0300 0008 2823 66, BIC: GENO DEF1 M05 pola banki Liga pod hesłom „Łužica pomha“. Štóz přeje sej darowanisku kwitowanku, njech poda TCM swoju dospołnu adresu.

J. Špitank, předsyda TCM

Lětny swjedzeń Bratrowstwa z premjeru bajki „Sněžna kralowna“

Kulowske towarstwo Bratrowstwo změje swój lětny swjedzeń sobotu, 10. januara, w 19 hodź. w kulturnym domje w Sulšecach. Na nim předstaji. džěćaca dźiwadłowa skupina Bratrowstwa premjeru bajki „Sněžna kralowna“. Dale zahraja dorosćeni dźiwadłoweje skupiny někotre skeče a młodostni pokazaja nazwučowane reje.

Historiske dopomnjenki a časowi swědkojo

W putniskej hospodže w Chróścicach budže njedźelu, 18. januara, w 17 hodź. wosebite zarjadowanje z historiskimi dopomnjenkami. Na spočatku pokaza Borbora Šoćina ze Žuric historiske serbske filmowe wurězki, mjez druhim wo něhdyšim Chróścanskim wjesnjanosće Francu Młynku. W druhim džělu wječora póndže wo čas před 70 lětami – kónc Druheje swětoweje wójny. Kolesowy putnik Bernd Keller z Göttingena chce ze swojej kolesowej jězbu na wuswobodjenje koncentraciskich lěhwow dopomnić. Po puću mjez lěhwom Moringenom pola Lipska a Łódžu w Pólskej budu Chróścicy jedna z jeho stacijow. Bernd Keller nadźija so, zo móže so na tutym wječoru z časowymi swědkami rozmołwjeć. Jako rozmołwna partnerka budže Jěwa-Marja Elic z Hórkow přitomna. Wona je so intensiwnje z Hanku Šěrcec zaběrała, za kotruž bu w léce 2014 přeni serbskorěčny kopolak-plesternak položeny.

Termíny Towarstwa Cyrila a Metoda w lěće 2015

datum	čas	městnosć	zarjadowanje
sobotu, 10. januara	14.00 hodź.	Chrósćicy	koparski turněr wo pokal TCM
štwórtk, 26. februara	19.00 hodź.	Bačoń	hłowna zhromadźizna TCM
wutoru, 10. měrca	14.00 hodź.	Smochćicy	zetkanje samostejacych
njedźelu, 15. měrca	8.00 hodź.	Chrósćicy	dalekubłanje čłonow wosadnych radow a čłonow TCM
njedźelu, 19. apryla	16.00 hodź.	Smochćicy	zetkanje při pomniku swjateju Cyrila a Metoda
njedźelu, 3. meje	17.00 hodź.	Róžant	mejski nyšpor TCM
póndźelu, 6. julija	20.00 hodź.	Worklecy	Tour de Satkula
wutoru, 1. septembra	14.00 hodź.	Smochćicy	zetkanje samostejacych
sobotu, 12. septembra	19.30 hodź. premjera	Chrósćicy	Pasionska hra „Wy sće swětło swěta”
njedźelu, 13. septembra	19.30 hodź.	Chrósćicy	Pasionska hra „Wy sće swětło swěta”
sobotu, 19. septembra	19.30 hodź.	Chrósćicy	Pasionska hra „Wy sće swětło swěta”
njedźelu, 20. septembra	19.30 hodź.	Chrósćicy	Pasionska hra „Wy sće swětło swěta”
njedźelu, 27. septembra	14.00 hodź.	Chrósćicy	domchowanka z požohnowanjom konjacych zapřahow
wutoru, 1. decembra	14.00 hodź.	Smochćicy	zetkanje samostejacych